

# kontuola...

Antzuolako hamabostekaria. 5 zenbakia, 1997-11-7

## Hamar urtez ejerzitoari lagundu barik

Urriaren 23an epaitu zuten alkatea ejerzitoarekin ez kolaboratzeagatik

1987ko azaroaren 17an onartu zuen udalak ejerzitoekin ez kolaboratzea. Ordutik hona, behin eta berriz jakin arazi diote udalari orduan hartutako erabakia legez kanpoko delatela. Hala ere, Antzuolako udalak bere erabakiarekin aurrera jarraitu du eta bi alkate ere epaitu dituzte desobedientzia delituegatik.

**H**amarkada honetan, intsumisioen aldeko mugimendua erabat gizarteratu da eta Antzuolan ere, zeharo barneratua dago herriko gazteek intsumiso izatea erabakitzea. Horren alde aritu da joandako 8 urteetan Antzuolako Intsumiso Taldea (AIT). Hasierako taldean lau intsumiso baino ez zeuden, baina gaur egun 27 intsumiso daude herrian. Horietako 17 epaitu dituzte dagoeneko eta batzuek gartzela zigorra ere jasan behar izan dute.

Azaroaren 12 eta 13an izango dira berriz ere soldaduzkara joan behar dutenen zozketak. Herriko 20 bat gazte sartuko dira oraingo zozketa honetan.

### Udal intsumisioa

Udalak ejerzitoarekin ez kolaboratzea onartu zuenetik, udal ordezkariak ere epaitu dituzte desobedientziagatik eta ejerzitoari laguntza ukatzeagatik. 1995ean, Roke Iñarra epaitu zuten eta arrazoi horregatik epaitzen zuten lehenengo alkatea izan zen. Urriaren 23an, Mikel Larrea alkatea epaitu berri dute, 1995ean soldaduzkara joan behar zuten gazteen zerrendak ez egiteagatik. Mikeli bi urte eta 5 hilabeteko inhabili-



AITko kideek Intsumiso Egunera joateko ohitura dute

tazioa eta 14 hilabeteko isuna (1.100 PTA. eguneko) eskatu zion fiskalak. Hala ere, Antzuolako udalak ejerzitoekin ez kolaboratzen jarraituko du, orain dela 10 urteko udal plenoan onartu zen moduan.

### Beste epaiketa baten zain

Antzuolako udala EUDIMAKo (Euskal Udal Intsumituen Mankomunitatea) partaidea da. Luis Navajas fiskalak au-

zitara eraman nahi du EUDIMA, bere ustez, "legez kanpoko elkarte delako, delituzko ekintzak bultzatzeko helburua duena".

Joseba Villarreal EUDIMAKo idazkariak azaldu digunez, "defentsa bateratua egitea erabaki dugu; auziak aurrera egingo balu Euskal Herriko 44 alkatek 2-4 urte arteko gartzela zigorra, 6-12 hilabeteko inhabilitazio berezia eta isunak izango litzukete; hala ere, oraingoz 16 alkatek deklaratu behar dute".

Herriko 27 intsumisoetatik 17 epaitu dituzte eta batzuek gartzela zigorra jasan dute

## Ez laga zure kasa pentsatzeari



**Emilen Castro**

**K**aixo antzuolarrok!

Berri onak gaurkoak! Bai horixe! Atzo hitzaldi batean ("Haur eta gurasoen arteko harremanak") psikologo bati entzundakoarekin esnatu naiz.

Ez, ez pentsa amets txarrak izan ditudanik. Buruan bueltaka zebilkidan ideia hauxe zen: zer gertatuko zen gure bizitzan "espezialista" edo "profesionala" den jendeaz baino gehiago, geure pentsamenduz fidatuko bagina. Ez! Ez dut esan nahi goi mailako ikasketak dituzten pertsonak ez dakitenik. Ezta gutxiago ere! Bakarrik esan nahi dut hauxe: gutxi, oso gutxi dakigula; eta batez ere, psikologiaren munduan. Horregatik... ez laga zeure kabuz pentsatzeari.

Zuretako eta zure egoeran, zuk zeuk daukazu informaziorik hobereena. Beharbada pentsatzeko laguntza beharko duzu, baina gauza zara. Ados! Beste informazio guztiak, printzipioz, onuragarriak izan daitezke. Baina ez bakarrik edo batez ere tituludunek ematen dutena! Herriko auzolagunena, nahiz eta titulurik ez izan, besteena bezain aberasgarria eta inportantea izan daiteke. Eta nire uste apalean, umeen eta gurasoen arteko harremanez, beste edozein pentsamenduz fidatzekotan, umeek maitatzen duten pertsonen fidatuko nintzateke. Eta hauek, askotan, gure ondoan bizi dira!

Horregatik... berri onak gaurkoak!

# Arrola elkartearen 25. urteurrena azaroan



Arrolak Piriniotara egin duen azken irteeran hartutako irudia.

Antzuolako mendizale elkarteak 25 urte bete ditu eta hori ospatzeko, zenbait ekitaldi antolatu dituzte azaroan zehar. Hasteko, Nepalen aurpegi izkuttua erakutsiko dute Amaia Elosegi eta Esther Mugertzak diapositiba bidez, azaroaren 18an, martitzena, 19:30etan zinetokian. Bi egun beranduago, ordu eta leku berean, Batis Goikoetxea eta Migel Angel Otxoaren diapositiba emanaldia eskainiko dute "Hiru haundi mendiko eskian" izenburupean. Ospakizunekin jarraitzeko, bazkaria ere antolatu dute, azaroaren 22rako, zapatua. Bertara joan nahi dutenek aurrez izena eman beharko dute Arrolako lokalean. Egun horretan, "25 urte argazkitan" erakusketa ikusteko aukera egongo da kalean, egun osoan zehar, gero udaletxera eramango baitituzte

argazkiok; hortaz, domekan, azaroak 23, udaletxeko areto nagusian ikusi ahal izango dira.

### Diapositiba ugari

Azaroaren 25ean, "Elurra eta elur jausiak" diapositiba emanaldia egongo da eta eguenean, azaroak 27, Itsasoari begira egoteko aukera izango da. Bi diapositiba emanaldi horiek ere 19:30etan izango dira, zinetokian.

Bestalde, azaroaren 16an, domeka, gaztetxoan eskolarteko kirol lehia-kearako baliagarria izango den irteera dago.

Arnora joan nahi dutenek, datorren astelehenean, azaroak 10, Arrolako lokalean eman beharko dute izena, 19:30etatik aurrera.

# LARREA

## TABERNA

Kalebarren, 17  
ANTZUOLA

KALEGOI, 19 ☎ 76 64 07

*Tomas Gezalaga*

ANTZUOLA BERGARA

• Zoruen kutxilatuta eta  
barnizaketa •

# GOROSTI

## Taberna

☎ 76 62 96

Zurrategi plaza ANTZUOLA

# Pilota txapelketako bigarren kanporaketak

Amaitutzat eman dute antolatzaileek herriko pilota txapelketaren lehenengo kanporaketa. 20 bikotek jokatu zuten lehenengo txanda eta horietatik 8 pasa dira bigarren kanporaketara. Hemendik Gabonak arte jokatuko dituzte pilotariek finalera arte gelditzen zaizkien partiduak.

Sailkatzea lortu ez dutenek kontsolazio partiduak jokatzeko aukera izango dute. 11 bikotek parte hartuko dute liga honetan, bi taldetan banatuta.

## 2. KANPORAKETARAKO KLASIFIKATUAK

### 1. TALDEA

Juan Migel Pagaldai-Jose Mari Galeano  
Asier Muruamendiarez- Mikel Larrañaga  
Antxon Biteri- Felix Agirre  
Joseba Azkarate- Aitor Aranguren

### 2. TALDEA

Juan Simon Aristi- Luis Larrea  
Jose Mari Mendizabal- Jose Ramon Jauregi  
Iosu Larrea- Gorka Manso  
Xabier Barkero- Iker Irizar



## 120 kilo kanalean

San Martinetako ferian eskolako haurrek egin zuten zozketako txerria hil egin zuten pasa den astean Iralatorren. Txerria errejimenean egondakoa bazen ere, urdaiazpiko ederrak zituen!

## Argazki ikastaroa

Benito Canterok eskainiko du Kultura eta Kirola Batzordeak antolatutako ikastaroa. Azaroaren 15, 22 eta 29an izango da, 09:00etatik 13:00etara. Argazki kamara ezagutu eta hobeto erabiltzea da ikastaroaren helburua, eta horretarako diafragma, obturadorea, flasha, filtroak eta beste hainbat gai landuko dira. Izena emateko epea azaroaren 12rarte, udaletxean. Matrikula 2.000 PTAKoa izango da eta liburuska praktiko bat emango zaie ikastaroan parte hartzen dutenei.

## Jatetxe gida

Debagune, Deba Garaiko euskara taldeen elkarteak, atera berri duen gida aurkeztu zen Arrasaten urriaren 29an. Gidan, Deba Garaiko 100 jatetxe daude eta guztien izenak eta helbideez gain, bakoitzaren berezitasuna eta errezeta bana ere jasotzen dira. Antzuolako bost jatetxe agertzen dira. 500 PTAn salduko ditu Idolazek.

## Mus txapelketa

Lau bikote joango dira azaroaren 16an Eginen antolatutako Mus Txapelketaren eskualdeko finala jokatzera. Joan zen astean, Isidoro Quintana eta Florentino Larrañagak irabazi zuten Olalden jokaturako finala. Horiekin batera, Xanti eta Pollero, Anselmo eta Patxi eta Begoña eta Patxi osatutako bikoteak ere egongo dira Hernanin.

## Gazinema berriz martxan

Domekan, azaroak 9, "El jorobado de Notre Dame" filmea eskainiko dute 16:30etan. Hilaren 14an, eguakitzan, hasiko da Gazinema "Twister" pelikularekin, gaueko hamarretan, zine aretoan. "Espia como puedes" izango da datorren domekan, azaroak 16, eskainiko den pelikula 16:30etan.

## Jubilatuen gaztainerre jana

Datorren martitzenerako, azaroak 11, gaztainerre jana antolatu dute jubilatuek. Jose Mari Ugalde, Jubilatuen Elkarteko lehendakariak adierazi digunez, "urteroko bazkaria eginda daukagu eta orain gaztainerre jana egitea erabaki dugu". Iaz bezala, Orlanen erreko dituzte gaztainak eta ondoren, 19:30etan, Jubilauetan jango dituzte erretako 80 kiloak. Afari-meriendan, ogibitartekoak eta kafea ere eskainiko dira. Beraz, gaztainak gustuko dituzten jubilatuek aukera ederra daukate datorren asteko martitzenean.



**TXOMIN** garajea

Mekanika orokorra

Lizarragako hiribidea, 8 ANTZUOLA  
Tf. 78 70 77

**KALEGOI, 19** ☎ 76 64 07

*Tomas Gezalaga*

**ANTZUOLA BERGARA**

- Apainketarako eta industriarako pinturak •
- Paper margotuak •
- Mokatetarako eta tapizatuak •

**GAILUR**

taberna eta  
gozotegia



Buztinzuri, 13 ANTZUOLA Tf. 78 70 32

# Aihertarrak Antzuolan

Datorren domekan, azaroak 16, etorriko dira

**Orain dela hamahiru urtetik, Nafarroa Behereko herri honek harreman berezia dauka Antzuolarekin. Orduko agintari antzuolarrek eta Aiherrako bizilagunek bi herrien artean hartu-emanazate erabaki zuten eta. Urte batean Aiherrara, bestean Antzuolara aritu dira orduantzetik, eta oraingoan aihertarren txanda da.**

**G**oizean iritsi, eta ongi etorria emateko, txistulari eta dantzariak aurrerakua eskainiko diete herriko plazan. Ondoren, herria hobeto ezagutzeko parada izango dute Aihertarrek; Lapatzako nekazaritza biologikoa, Ibarreko nekazaturismoa... eta gosea egiteko gaztetxeok antolatu dituzten herri probetan hartuko dute parte.

Gaztetxeok esan digutenez, "Kalebarrengo jaixetan egin gñutzen antzerakuak izengo die; burdixana, txingak, sokatiria...". Herri bazkaria jubilatuetan

izango da, eta izena ematea martitzena baino lehen egin behar da. Arratsaldean, gaztainerre jana egingo da plazan, Gezalaga anai-arrebek alaitua.

13 urte hauetan, bi herrien arteko harremanak estutzen saiatu dira bi herrietakoak eta horregatik, Aiherrako etorreraren aurretik ere beste zenbait ekitaldi izango da. Azaroaren 10etik ha-

sita, astelehena, domekara arte, "Euskararen hatsa" erakusketa egongo da udaletxean. Hego Euskal Herrian lehenengo aldiz erakutsiko den erakusketa honekin, Euskal Herri osoaren egoera azaldu nahi da, 8 ataletan: zenbat euskaldun dauden, zenbatek egiten duten euskaraz, egiten ez dutenek euskarari egiten dioten harrera...

Bestalde, azaroaren 13an, egue-na, "Hizkuntza eta Kultura Ipar Euskal Herrian" hitzaldia izango da, Erramun Bachok, Euskal Kultur Erakundeko lehendakariak, eta Txomin Heguyk eskainita.



Antzuolarrek Aiherran iazko udan. JUAN CRUZ ARGAZKIAK



**JEAN MARI BARBIER**  
Beltzuntze kultur taldeko kidea

## Zer da Beltzuntze?

Euskal kultura bultzatzen duen Aiherrako taldea. Kantaldiak, gaubelak eta euskal dantzen ikastaroak antolatzen ditugu, besteak beste; orain, pilota ikastaro batekin ari gara.

**Nola ikusten da Aiherran, Antzuola**

## lara etortzea?

Hasieran jende gutxiago joaten ginen; bazegoen jendea mugaz besterik aldera inoiz joan gabea, eta hartu-eman honi esker ikusi dute ez dagoela espainola erabili beharrik komunikatzeko.

## Zer nolako harremana daukazue antzuolarrekin?



Joaten garenean oso harrera ona izaten dugu, baina harremana ofiziala da. Hemendik herritarrak joaten gara Antzuolara, baina alderantziz ez da

gauza bera gertatzen. Guk harreman pertsonalagoa daukagu; gainera Antzuolako Udala aldatzen den bakoitzean, hasieratik hastea bezala da; lau urtero jende berriarekin hitz egiten dugu eta oso zaila da harremanak estutzea.

## Orduan, beste zerbait egin behar ko da egoera aldatzeko?

Saiatzen gara hori aldatzen. Beltzuntzen biltzen garenek beste zerbait egin behar dela ikusten dugu baina oraingo ez dugu zorterik izan.

"Hemendik herritarrak joaten gara Antzuolara, baina han agintariak ere izaten dira"



Bidea eginez

- Gasa
- Berogailuak
- Haize egokitua
- Enpresen mantenimendua
- Lurrin instalazioak
- Bero-aurreztea
- Bainugelak. Proiektuak momentuan egiten ditugu DIBaren bidez
- Birgaitze-espeditentak bideratzen ditugu

## Tailerra

Uzarraga bidea, 10

Tf. 78 71 78

## Erakusketa

Kalebarren, 1

Tf. 78 71 79

Tf. eta F. 76 64 73